

# Комсомольск организацсин тооцана болн сунъгъврин хургуд

Республикин комсомольск организацсар тооцана болн сунъгъврин хургуд эклджана. Каспийск района колхозмудар, Элст балгсна зарм организацсар ним хургуд болчкв.

Хальмг республикин комсомольцнрин джиргъл-баадлд тооцана болн сунъгъврин хургуд келгн—чинртä тör. Эн джил хургуд темдгтä öдрмүдт болджана. Цуг хальмг улс, Хальмг республикин цуг күч-көлсчнр, партидан болн правительствдän зүркни ханлт өргдж, Хальмг тангъчиг Республикд хуврән тууджлгч шиндвриг күч-көлснä болн политическ шунлтнн шин өргмджтä тосцхав.

Комсомолин тууджд, 1958 джил йир ончта: эн д ж и л ВЛКСМ-н XIII-ч хург болв, түрүн болдж эн зун Советск багъчудин Öдр темдггдв. Терүн деерн эн джилин октябрин 29-д эврәнн алдр 40 джилин öбниг темдглхär Ленинск комсомол белдвр келжана.

Иим баадлд тооцан болн сунъгъвр ик чинр зүүдж, комсомольск кодлмшин цуг анъгинь өргджүлдж, тедниг политическ бүрдäмджтäгъяр батлад, комсомолин зерглäг энъкр ээдж—партин эргнд улмар хамцулх зöвтä.

Багъчудиг кодлмшч крестьян улсла хамдн күч-көлснд йоста коммунистр кеж öсктн гидж комсомолд алдр Ленин герäслä. Зуг тним күч-көлснд, зуг олна сä хäялгнд багъчуд коммунистическ сургъмджин öдän кемджäгнн авх зöвтä.

Мана орн-нутгин цуг багъчудла хамдан Хальмг республикин комсомольцнрин 12 минггн күүтä отряд Ильичин герäсиг чикär күцäджана.

Кеер тарänd, фермд, тосхлтд, тенгет — альдн болв чигн республикин нүүрт йовх күч-көлснрин зерглänd комсомольцнр йовна. Öдгä цагт комсомолин 40 джилин öбниг уктдж багъ наста хөөчнрин 287 бригад, багъ наста тосхачнрин кеж бригад, багъ наста механизатормудин 100 гар тракторн бригад социалистическ дөрлдä делгрүлджана. Тер дөрлдänd эрдни-шишä ургъагачнр болн загъсчнр, предпрятисин багъ наста кодлмшчнр болн малчнр бас орлцджана.

Теднä ик зунь октябрин 29-н күртл эдл-уш гаргългъна джилä зурагъан күцäх даалгъвр авцхав.

Эврәнн хургтан келдж күүндх үг эднд йир элвг. Хургиг түрүн авт комсомольск багм у д а р бригадин - фермсин болн теднлä äдлчнн организацсар кечкäd, дарунь тооцана болн сунъгъврин хург колхозмудар, совхозмудар, РТС-är, комбинатсар, сургъулин завендесär кех кергтä. Эн кодлмш күцäхлärн ВЛКСМ-н XIII-ч хургин комсомольск организацин структурт орулсн чиклврт ик оньг öггдх зöвтä.

Улгүрн, шин уставд бичгдсär, эклц болн бригадсин, классмудин, фермсин, организацсар, 20 комсомольцнрас багъ биш бäялхä (урдн болч-

В. БУШИН;  
ВЛКСМ-н Хальмг обномин сөглätр.



ла 10 гидж бäйсн болхла) комитет токтадж болхмн.

Эн шин заавр; комсомолин демократинь; урмдинь, бийсиннь үүлдвринь өргджүлдж; олар тör хагълулдж, эклц организацсин сөглätрмүдин үүлдвринь кезäчн шинджлхиг теткхмн.

Энүнä бас нег чинринь темдглх кергтä. Кемер комсомолин XIII-ч хургин шийдврин öмн эклц, цехсин, фермсин, бригадсин комитет болн группорге нуувчинär шийдгдгд бäйсн болхла; ода илär сунъгъгдхмн. Уг сүүлднн энүнä бас нег ик чинр бäянä. Комсомолин комитет, 20 гар комсомольцнр бäях цуг комсомольск организацсар шийдгднä.

ВЛКСМ-н XIII-ч хургин шийдвр күцäхд ик оньг öггдäд, цуг тооцана болн сунъгъврин хургудт «ВЛКСМ-н XIII-ч хургин шийдвр ягъдж күцäгддäжähин тускар комсомольск организацин кодлмшин тооцан» гидж голлгч төрн болдж сонъсгдх шийдгдлä.

Тооцана болн сунъгъврин хургуд сäанär кехин кергт, ВЛКСМ-н района комитетс цуг эврәнн активän эн кодлмшт орцулх зöвтä.

Белдвр кесн организацсар комсомольск хургн йир сонъ болх зöвтä. Тер төлд эн торт олн комсомольцнр орцулдж, хургин белдврлä ирлцдäж тодрха керг күн болгнд даалгъгдх зöвтä.

Хургт тооцана доклад йир ик чинртä. Зäрмдän докладинь адгъмтагъяр; цөн күн эс гидж ганцхн сөглätр белднä. Тегäd чигн энүнднн комсомольск кодлмшт гүн шалгълт öггдхш, дуту-дунд гүүнär илдкдхш. Иим хургт күүндвр элвгär гархш, күүндвр гархларн предпрятин, учрежденä тодрха зурала ирлцхш.

Тооцана болн сунъгъврин хурган эклхлärн республикин комсомольск организац, райкомс, цуг комсомольск активистнр, нүүрт йовх багъчудас комсомолин зерглän öсхд ик оньг öггдх зöвтä.

Мана зерглänd ордж чадх багъчуд шүүдж, шунлттагъяр авгдх зöвтä. Сүүлин цагт Юстинск, Приютненск, Яшкульск, Черноземельск болн Западн райодин комсомольск организац эврәнн зерглä öсхд йир муугъяр шунджахиг темдглх кергтä. ВЛКСМ-н деер келгдсн райкомсин сөглätрмүд болн бюрон члед эн кодлмшт онгнан öглго, багъчудин кергт гүүнär орлцхш.

Элст балгсна колхозмудар комсомольцнрин зерглän йир муугъяр өсдж йовна. Терүнäсн муугъяр бäярн кели äмтнä багъчуд комсомолд орулдж авгдджана. Кемер, Приозерн районд 7 сарин эргд хальмг багъчудас комсомолин зерглänd 76 күн орулдж авгдсн болхла; Яшалтинск районд зуг 6 күн орулдж авгддж. Комсомолин зерглän муугъяр өсдгн; юмна түрүнд багъчуд дунд келг сургъмджин болн политическ кодлмш тату болсар; эклц ор-

ганизацин кодлмшн тату болсар цäялггдджана.

ВЛКСМ-н ЦК нидн джил ик-ик комсомольск организацсар комитетин сөглätрт 2-3-4 дарүкс сунъгътха гидж сельгän öглä. Болв, эн сән селвг зарм ик-ик организацсар олзлгдсн уга, тегäd эн дуту-дундиг тооцан болн сунъгъвр болдж йовх цагт чиклх кергтä. Тооцан болн сунъгъвр келгнд бäярн кели äмтнä активистнрäs комсомольск толгъачнр шийдхд онц оньг öггдх зöвтä. Хальмг күүкд-көвүдäс комсомольск багмуд, бригадин болн эклц организацс гардхд орцултн гисн нектврг эс күцäгддäжähин эрк биш темдглх кергтä. Комсомолин райкомс эн кодлмшиг тату-гъяр кесн учрар, зарм райодар бäярн кели-äмтнä багъчудас цөн толгъачнр бäянä.

Багъчудла кеж кодлмшин цуг халхсинь ясрулхин кергт, элäd-элäd эклц организацсин комитет зарм төрмүдär культурин, бäädл-джиргълин, сургъмджин комиссүд бүрдäгдх зöвтä.

Комсомольск организацсар, кемер тедн комсомольск багмуд, фермсин, бригадсин, участсин организацмуд уга болхла, уставла ирлцүлдж, тедниг бүрдäх кергтä.

Комсомолин кодлмшт голлгчн—партийн гардмдж. Эн бäälä; бäянä; цаарандн чигн бäяхмн. Коммунистическ төхлүд комсомолин нилчн болн күцäгдх төрмүднн улмар öсäd йовна. Ямр болвчн күнд, бүрдäмджин болн сургъмджин төрмүдиг, коммунистнрин тасрхан уга öгдг оньгар, цуцрлтан уга багъчудт нөкд болдгар дөн авч комсомольск коллективс күцäх зöвтä.

Болв республикин цуг партийн организац комсомолиг сäанär гардхш. Комсомолин организацин кодлмшт КПСС-н Юстинск, Черноземельск, Сарпинск; Яшкульск райкомс гүүнär орлцхш. Тегäd чигн эн райодин комсомольск организацд сонън тör багъ комсомолин зерглän мугъяр öснä, багъчудин үүлдвринь болн седвärинь зäрмдän партийн организацс дөнвнхш.

«Коммунистическ төхлүд комсомолин нилч öсх дутм, партийн организацсин; эднä толгъачнрин күчн-чидлн, ухань болн бүлän седкнн керглгднä; юнъгад гихлä, мана туурсн багъчудиг эдн көтлдж, эрдмнн öдлүлдж, шин дииврүр өргмджинь öсх зöвтä» — гидж 1958-ч джилин августин 29-д «Правда» газет бичлä.

Хальмг республикин комсомольск организацс, багъчуд дунд кегдг цуг политическ бүрдäмджин кодлмшиг темдгтäгъяр ясрулхд цуг чидлän öгч, Ленинск комсомолин зерглäг батлдж; эдл-ахун болн культури тосхлтин государственн зураг диивртäгъяр күцäхд тооцана болн сунъгъврин кампань дөнвгän күргх зöвтä.

Энн тегäd комсомолин туургсн дөчн джилин öбнд сән белгн болхн лавта.